

05 Feb. 2025. 18:15 Hrs

Headlines

- केद्री गृह मंत्री अमित शाह होरें जम्मू-कश्मीर दे सुरक्षा हालात बारें इक उच्ची सतह दी बैठक लाई ते आखेआ जे सरकार जम्मू-कश्मीर थमां आतंकवाद दे खात्मे लेई बचनबद्ध ऐ।
- मुखमंत्री ओमर अब्दुल्ला होरें अपनी सरकार दे पैहले बजट कोला पैहले विधायकें ते डीडीसी अध्यक्षें कन्नै सलाह सूतर शुरू कीता ऐ।
- जम्मू-कश्मीर बी राष्ट्र व्यापी वाटरशेड जातरा कन्नै जुड़ी गेआ ऐ। ग्रामीण विकास मंत्री जावेद अहमद डार होरें कठुआ थमां अभियान दा उद्घाटन कीता।
- प्रधानमंत्री नरेंद्र मोदी होरें त्रिवेणी संगम च अज्ज पवित्तर चलोबी लाई।
- केंद्र सरकारें आखेआ ऐ जे प्रधानमंत्री ग्राम सड़क योजना दे तैहत पिछले 3 बरें च जम्मू-कश्मीर च 5 ज्हार किलोमीटर शिड़कें दा कम्म सबूरा कीता गेआ ऐ।

<><><><><><>

HM-Security

केंद्री गृह मंत्री अमित शाह होरें जम्मू-कश्मीर च सुरक्षा हालात बारें अज्ज नमीं दिल्ली च इक उच्ची सतह दी जायजा बैठक दी प्रधानता कीती। कल शुरू होई दी इस बैठका च लेफ्टिनेंट गवर्नर मनोज सिन्हा हुंदे सने गृह सचिव गोविंद मोहन, सेना अध्यक्ष जनरल उपेंद्र द्विवेदी ते होर दुए वरिष्ठ अधिकारिं बी हिस्सा लैता। बैठक दरान गृह मंत्री होरें आखेआ जे प्रधानमंत्री नरेंद्र मोदी हुंदी अगुवाई आहली केंद्र सरकार जम्मू-कश्मीर थमां आतंकवाद दे पूरी चाल्ली सफाए आस्तै

बचनबद्ध ऐ। उने सब्भने सुरक्षा एजेसिएं गी एह हुकम रसाल कीता जे ओह जम्मू-कश्मीर च आतंकवाद दे खात्मे लेई आपूँचै तालमेल बनाइयै कम्म करना बरोबर जारी रखन।

<><><><><><>

Suspect-Apprehended

भारती फौजै जम्मू-कश्मीर पुलस दे सहयोग कन्नै कल पुलवामा च कल इक संदिग्ध गी हिरासता च लैता। हासल होठ दी इक खूफिया सूह पर कार्रवाई करदे होई सुरक्षाबलें आसेआ शाहबाद इलाके च गड़िं दी तलाशी आहला इक सांझा गश्ती नाका लाया गेआ जिस दरान इस संदिग्ध गी हिरासता च लैता गेआ। फौज दी चिनार कोर मूजब, संदिग्ध कोला जंगी समेयान बरामद कीता गेआ ऐ। पुलसै इस मामले दी अगड़ी तफ्तीश शुरू करी दिती दी ऐ।

<><><><><><>

CM-Meeting

मुख्यमंत्री उमर अब्दुल्ला जिंदे कश वित्त मैहकमा बी ऐ, 3 मार्च थमां शुरू होने आहले विधानसभा सत्र च अपना पैहला बजट पेश करने लेई तैयार न। पूरे-पराते विकास आहले नजरिये गी यकीनी बनाने आस्तै उने विधायकें ते जिला विकास परिषदें दे अध्यक्षें कन्नै बजट शा पैहले गल्लबात शुरू करी दिती ऐ। अज्जै थमां शुरू होई दी बैठक च अनंतनाग, बडगाम, कठुआ ते साम्बा जिलें दे विधायकें कन्नै गल्लबात कीती ते कल बारामूला, कुलगाम, रामबन ते उधमपुर दे विधायकें कन्नै बी गल्लबात कीती जाहग। इनें चर्चाएं दा मकसद हर खेतर लेई 40 करोड़ रुपें तगर दे कम्में गी तरजीह देना ऐ जिंदी सूची पैहली गै डिप्टी कमिशनर आसेआ सरकार गी सौंपदी दिती गेई ऐ।

<><><><><><>

Watershed-Yatra

पर्यावरण संरक्षण लेई इक महत्वपूर्ण गैऽ पुट्टदे होई केंद्री कृषि ते ग्रामीण विकास मंत्री शिवराज सिंह चौहान होरें वाटरशेड यात्रा 2025 गी राष्ट्रीय सतह पर झंडी दस्सियै रवाना कीता। जम्मू-कश्मीर च बी इस अभियान दा उद्घाटन ग्रामीण विकास ते पंचैती राज मंत्री जावेद अहमद होरें जीडीसी हीरानगर च परम्परागत द्वीप बालने दे समारोह कन्नै कीता। मंत्री होरें कुदरती संसाधन दे राखी करने, हरियाली आहले भविष्य लेई ते टिकाऊ तौर-तरीकें गी बढ़ावा देने लेई सांझे जत्न दे महत्व उप्पर लोऽ पाई। इस मौके उप्पर मंत्री जावेद अहमद डार होरें मिट्टी ते पानी दे संरक्षण बारे जागरूकता पैदा करने दे महत्व पर जोर भरेआ ते आखेआ।

<><><><><><>

REGP-Udhampur

उधमपुर च युवाएं गी सशक्त बनाने ते रोजगार गी बढ़ावा देने दे मकसद कन्नै डिप्टी कमिशनर सलोनी राय होरें जानकारी दिती ऐ जे जिले च ग्रामीण रोजगार पैदा करने आहले कार्यक्रमें तैहत तकरीबन 69 मामलें गी मंजूरी दिती गई ऐ। डी.सी होरें इस गल्लें पर जोर भरेआ ऐ जे सरकार दा मुख मकसद इस खेतर दे युवाएं लेई मकामी रोजगार दे मौके पैदा करना ऐ जेदे कन्नै उनेंगी अपना भविष्य बेहतर बनाने च मदाद थहोई सकै। एह पैहलकदमी ग्रामीण इलाकें गी उंचाइयें पर लेई जाने ते जमीनी सतह उप्पर आर्थिक तरक्की गी बढ़ावा देने लेई प्रशासन दी बचनबद्धता गी दर्शादी ऐ। इस मौके पर बोलदे होई उधमपुर दी डिप्टी कमिशनर सलोनी राय होरें गलाया।

<><><><><><>

PM-Mahakumbh

प्रधानमंत्री नरेंद्र मोदी होरें अज्ज प्रयागराज च महाकुम्भ च त्रिवेणी संगम पर पवित्र डुबकी लाई। सोशल मीडिया दी इक पोस्ट च श्री मोदी होरें आखेआ जे संगम पर स्नान करना इक दिव्य जुड़ाव दा पल ऐ। उनें आखेआ जे एहदे च हिस्सा लैने आहले करोड़ों बद्दे होरनें लोकें आहला

लेखा ओहू बी भक्ति दी भावना कन्नै भरोची गो। श्री मोदी होरें मेद जताई जे मां गंगा सब्बनं देशवासियें गी शांति, ज्ञान, खरी सेहत ते सद्भाव दा आशीर्वाद देंगन। उत्तर प्रदेश दे मुखमंत्री योगी आदित्यनाथ होर बी इस मौके पर उत्थे मजूद हे। तोआई, केंद्री मंत्री किरें रिजिजू होरें बी अज्ज बड़लै महाकुम्भ च पवितर चलोबी लाई।

<><><><><><><>

PMGSY-Centre

केंद्र शासित प्रदेश जम्मू-कश्मीर नै प्रधानमंत्री ग्राम सड़क योजना दे तैहत ग्रामीण शिड़कें दे विकास आहले खेतर च बड़ी बड़डी ते महत्वपूर्ण प्रगति दर्ज कीती ऐ ते पिछले 3 बरें च 5 जहार किलोमीटर शा मती शिड़कें दा कम्म सबूरा कीता गोआ ऐ। लोकसभा च पुच्छे गोदे इक सोआला दे परते च ग्रामीण विकास मैहकमे दे केंद्री राज्यमंत्री कमलेश पासवान होरें दस्सेआ जे बरे 2021-22 च 3 जहार 278 किलोमीटर शिड़कें दा कम्म सबूरा कीता गोआ। एहदे मगरा बरे 2023-24 च 535 किलोमीटर शिड़कें गी मंजूर कीता गोआ ते 956 किलोमीटर शिड़कें दा कम्म तोढ़ चाढ़ेआ गोआ। बरे 2023-24 दुरान प्रधानमंत्री ग्राम सड़क योजना तैहत केंद्र सरकार दी तरफा 1 जहार 304 करोड़ 17 लक्ख रुपें दी सहायता दिती गई जेदे नै खिते च ढांचागत विकास गी बल थोआ।

<><><><><><><>

Sahitya-Academy

नामवर डोगरी लखारी सुर्गवासी चमन अरोड़ा होरें'गी उंदी कताब “इक होर अश्वथामा” लेई 2024 बरे दा साहित्य अकादमी पुरस्कार दिता गोआ ऐ। संस्कृति मंत्रालय नै अपने इक बयान च आखेआ ऐ जे साहित्य अकादमी पुरस्कार लेई उंदी इस कताब दी ताल त्रै मिम्बरी कमेटी आसेआ आम सैहमति कन्नै कीती गेदी सफारश दे विनाह पर कीती गई ऐ ते साहित्य अकादमी दे अध्यक्ष माधव कौशिक होरें एहदी मंजूरी देई दिती ऐ।

<><><><><><>

Bamboo-Handicrafts

ग्रामीण सशक्तिकरण ते आर्थिक विकास गी बढ़ावा देने आस्तै केंद्र प्रायोजित स्कीमां देशै दे बक्ख-बक्ख हिस्से च महत्वपूर्ण भूमिका निभा करदियां न। रियासी जिले च नेही इक पैहलकदमी राहें बंज्झें कन्नै बने दे हस्तशिल्प गी बढ़ावा थहोआ ऐ ते ग्रामीण लोकें दे जीवनै च बदलाव आया ऐ। हुनर विकास कार्यक्रमें राहें कारीगरें खासतौरा पर महिलाएं ते नौजवानें गी बंज्झें दी इस परम्परागत कारीगिरी लेई सिखलाई दिती जा रदी ऐ। टोकरी थमां लेइयै फर्नीचर तगर दी एह चीजां मकामी ते राष्ट्रीय बजारें च लोकप्रियता हासल करा'रदे न जेदे कन्नै रोजगार च सुधार होआ करदा ऐ ते सांस्कृतिक विरासत गी बचाया जा करदा ऐ। आकाशवाणी कन्नै गल्लबात करदे होई जम्मू दे हस्तशिल्प मैहकमे दियां ज्यांट डरेक्टर ममता देवी होरें आखेआ।

<><><><><><>

Atamnirbhar Poultry

आत्मनिर्भर भारत पैहलकदमी दे हिस्से दे तौरा पर सरकार पूरे मुख्यै च आत्मनिर्भरता ते उद्यमियता गी बढ़ावा देआ करदी ऐ। इस पैहलकदमी कन्नै मते सारे लोकें गी रोजी-रूट्टी कमाने लेई टिकाऊ माध्यम पेदा करने ते मकामी अर्थ बवस्था च योगदान देने लेई प्रेरित कीता जा'रदा ऐ। इयै नेही इक सफलता दी कहानी उधमपुर दे कुद गांस थमां तारिक अजीज दी ऐ जिन्ने मुं पालन दा इक बड्डा रोजगार बनाई लैता ऐ जेदे कन्नै ओह ठी-ठाक आमदन हासल करा करदा ऐ ते मेहनत करियै आत्मनिर्भरता दी इक बड्डी मिसाल बनी गेदे न। अपनी सफलता दी जातरा गी सांझा करदे होई तारिक अजीज होरें आखेआ।

<><><><><><>